



Број: 01/4-50-3-4-8/15  
Сарајево, 8.6.2015.

## Z A P I S N I K

### **8. sjednice Komisije za finansije i budžet Predstavničkog doma Parlamentarne skupštine BiH, održane 27.5.2015., od 11,40 do 13,20 sati.**

Sjednici Komisije prisustvovali su članovi: Predrag Kožul, Salko Sokolović, Amir Fazlić, Nenad Lalić, Mirsad Isaković, Aleksandra Pandurević, Damir Bećirović i Jasmin Emrić.

Opravdano je odsustvovala Dušanka Majkić.

Sjednici su, također, prisustvovali: Željka Klobučar, predsjedavajuća Ureda za razmatranje žalbi BiH, Muhamed Smajić, sekretar Ministarstva odbrane BiH, Fadila Ibrahimović, rukovoditeljica Odjeljenja za reviziju učinka, Borislav Matić, načelnik Službe za pravne poslove, Jasna Ćesir, viši revizor učinka, Hrvoje Tvrtković, viši revizor učinka u Uredu za reviziju institucija BiH, Emina Ćirić, stručna savjetnica za pravne poslove u Sektoru za budžet Ministarstva finansija i trezora BiH, Christian Haupt, direktor, Samir Mušović, savjetnik, Elma Muratović, saradnica, Aleksandar Paleksić, saradnik, Karlo Holub, saradnik u USAID SGIP, Nejra Neimarlija-Roić, saradnica Instituta za razvoj mladih KULT, James Utermark, SUNY/CID, Amir Pilav, Robert Vidović, sekretar Komisije za finansije i budžet Doma naroda PSBiH, Zoran Žuža, šef Odjela za informiranje u Sektoru za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici su, također, prisustvovali i predstavnici medija: Snežana Samardžija, novinarka SRNA-e i Semira Degirmendžić, novinarka Dnevnog avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

## DNEVNI RED

1. Usvajanje Zapisnika 7. sjednice Komisije;
2. Razmatranje Izvještaja o izvršenoj reviziji učinka o temi: „Raspodjela i korištenje sredstava tekuće rezerve“ (sačinilac: Ured za reviziju institucija BiH);
3. Razmatranje Izvještaja o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“ (sačinilac: Ured za reviziju institucija BiH);

4. Razmatranje Izvještaja o aktivnostima Ureda za reviziju institucija BiH za 2014. godinu (sačinilac: Ured za reviziju institucija BiH);
5. Razmatranje Izvještaja o radu Ureda za razmatranje žalbi BiH za 2014. godinu (sačinilac: Ured za razmatranje žalbi BiH);
6. Razmatranje Finansijskog izvještaja Ureda za reviziju institucija BiH za period 1.1.-31.3.2015. (sačinilac: Ured za reviziju institucija BiH);
7. Tekuća pitanja.

#### **Ad.1. Usvajanje Zapisnika 7. sjednice Komisije**

Zapisnik 7. sjednice Komisije za finansije i budžet usvojen je jednoglasno bez primjedbi.

#### **Ad.2. Razmatranje Izvještaja o izvršenoj reviziji učinka o temi: „Raspodjela i korištenje sredstava tekuće rezerve“ (sačinilac: Ured za reviziju institucija BiH)**

Izvještaj o izvršenoj reviziji učinka o temi: „Raspodjela i korištenje sredstava tekuće rezerve“ obrazložila je Fadila Ibrahimović, rukovoditeljica Odjeljenja za reviziju učinka u Uredu za reviziju institucija BiH.

Potom je otvorena rasprava u kojoj su učestvovali: Predrag Kožul, Aleksandra Pandurević, Jasmin Emrić, Mirsad Isaković, Salko Sokolović, Amir Fazlić, Damir Bećirović, Emina Ćosić, stručna savjetnica za pravne poslove u Sektoru za budžet Ministarstva finansija i trezora BiH, i Fadila Ibrahimović, rukovoditeljica Odjeljenja za reviziju učinka u Uredu za reviziju institucija BiH.

Nakon rasprave, Komisija je, sa sedam glasova „za“ i jednim „suzdržanim“ glasom, usvojila sljedeći zaključak:

1. Predstavnički dom Parlamentarne skupštine BiH traži od Agencije za prevenciju korupcije i koordinaciju borbe protiv korupcije BiH da u najkraćem roku detaljno analizira Izvještaj o izvršenoj reviziji učinka o temi: „Raspodjela i korištenje sredstava tekuće rezerve“ i utvrdi da li je u raspodjeli i korištenju sredstava tekuće rezerve bilo sukoba interesa i elemenata korupcije, te o nalazima Agencije obavijesti Predstavnički dom.

Potom je Komisija jednoglasno usvojila sljedeće zaključke:

2. Predstavnički dom Parlamentarne skupštine BiH traži od Vijeća ministara BiH da u roku od 90 dana obavijesti Predstavnički dom o realizaciji revizorskih preporuka po Izvještaju o izvršenoj reviziji učinka o temi: „Raspodjela i korištenje sredstava tekuće rezerve“.

3. Predstavnički dom Parlamentarne skupštine BiH traži od Ministarstva finansija i trezora BiH da Predstavničkom domu tromjesečno dostavlja detaljan izvještaj o raspodjeli i korištenju sredstava tekuće rezerve.

Komisija je nakon toga jednoglasno prihvatila Izvještaj o reviziji učinka o temi „Raspodjela i korištenje sredstava tekuće rezerve“.

**Ad.3. Razmatranje Izvještaja o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“ (sačinilac: Ured za reviziju institucija BiH)**

Izvještaj o izvršenoj reviziji učinka obrazložila je Fadila Ibrahimović, rukovoditeljica Odjeljenja za reviziju učinka u Uredu za reviziju institucija BiH.

Potom je predsjedavajući Komisije otvorio raspravu u kojoj su učestvovali: Jasmin Emrić, Predrag Kožul i Muhamed Smajić, sekretar Ministarstva odbrane BiH.

Nakon rasprave, Komisija je jednoglasno usvojila sljedeći zaključak:

„Predstavnički dom Parlamentarne skupštine BiH traži od Ministarstva odbrane BiH da u najkraćem roku izradi i dostavi akcioni plan za realizaciju revizorskih preporuka po Izvještaju o izvršenoj reviziji učinka o temi: 'Smještaj profesionalnih vojnih lica u Ministarstvu odbrane BiH'.“

Komisija je potom jednoglasno prihvatila Izvještaj o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“.

**Ad.4. Razmatranje Izvještaja o aktivnostima Ureda za reviziju institucija BiH za 2014. godinu (sačinilac: Ured za reviziju institucija BiH)**

Izvještaj o aktivnostima Ureda za reviziju institucija BiH obrazložio je Borislav Matić, načelnik Službe za pravne poslove Ureda za reviziju institucija BiH.

Potom je predsjedavajući Komisije otvorio raspravu u kojoj su učestvovali Predrag Kožul i Borislav Matić, načelnik Službe za pravne poslove Ureda za reviziju institucija BiH.

Nakon kraće rasprave, Komisija je jednoglasno prihvatila Izvještaj o aktivnostima Ureda za reviziju institucija BiH za 2014. godinu.

**Ad.5. Razmatranje Izvještaja o radu Ureda za razmatranje žalbi BiH za 2014. godinu (sačinilac: Ured za razmatranje žalbi BiH)**

Izvještaj o radu Ureda za razmatranje žalbi BiH za 2014. godinu obrazložila je Željka Klobučar, predsjedavajuća Ureda za razmatranje žalbi.

Potom je predsjedavajući Komisije otvorio raspravu u kojoj su učestvovali: Damir Bećirović, Predrag Kožul, Aleksandra Pandurević, Amir Fazlić, Salko Sokolović i Željka Klobučar, predsjedavajuća Ureda za razmatranje žalbi.

Nakon rasprave, Komisija je jednoglasno donijela sljedeći zaključak:

„Komisija za finansije i budžet Predstavničkog doma PSBiH odgađa izjašnjavanje o Izvještaju o radu Ureda za razmatranje žalbi za 2014. godinu i traži od Ureda za razmatranje žalbi da u roku od 30 dana dostavi dopunu izvještaja u kojem će taksativno nabrojati 408 predmeta žalbi za koje se Ured oglasio nadležnim, s navođenjem vrijednosti svake pojedinačne javne nabavke.“

**Ad.6. Razmatranje Finansijskog izvještaja Ureda za reviziju institucija BiH za period 1.1.-31.3.2015. (sačinilac: Ured za reviziju institucija BiH)**

Finansijski izvještaj Ureda za reviziju institucija BiH za period 1.1.-31.3.2015. obrazložio je Borislav Matić, načelnik Službe za pravne poslove Ureda za reviziju institucija BiH.

Potom je predsjedavajući Komisije konstatirao da je Komisija primila k znanju Finansijski izvještaj Ureda za reviziju institucija BiH za period 1.1.-31.3.2015.

**Ad.7. Tekuća pitanja**

**a) Upoznavanje s prijedlogom termina i mjesta održavanja orijentacionog seminara za članove Komisije u saradnji s USAID-ovim projektom SGIP**

Savjetnik USAID-ovog projekta SGIP Samir Mušović upoznao je članove Komisije s prijedlogom termina i mjesta održavanja orijentacionog radnog seminara Komisije za finansije i budžet Predstavničkog doma PSBiH.

Potom su članovi komisije postigli dogovor da se orijentacioni radni seminar održi 1. i 2.6.2015. u Mostaru.

**b) Upoznavanje s dopisom organizacije za ravnopravnost spolova i osnaživanje žena UN WOMEN i Agencije za ravnopravnost spolova BiH**

Sekretar Komisije upoznao je članove s dopisom o održavanju seminara o programskom i rodno odgovornom budžetiranju, na Jahorini 10. i 11.6.2015., u organizaciji UN WOMEN i Agencije za ravnopravnost spolova BiH.

Potom su članovi Komisije Salko Sokolović i Jasmin Emrić izrazili zainteresiranost za prisustvovanje seminaru.

**Sekretar Komisije**

Željko Kosmajac

**Predsjedavajući Komisije**

Predrag Kožul